



Reykjavíkurborg
Skóla- og frístundasvið

Málsnr. R17040074
Skjalasafn Ráðhúss
10. apríl 2017
Bréfalykill: 430

Reykjavík, 7. apríl 2017
SFS2014120190
6.4
HG/ag

Ráðhús Reykjavíkur
Borgarráð

Efni: Beiðni um aukið framlag til leikskólans Vinaminnis


Á fundi skóla- og frístundaráðs þann 5. apríl 2017 var lagt fram minnisblað sviðsstjóra skóla- og frístundasviðs, dags. 30. mars 2017, beiðni um aukið framlag til Vinaminnis, umsókn um aukið framlag til leikskólans Vinaminnis, dags. 16. apríl 2015, þjónustusamningur skóla- og frístundasviðs við Vinaminni, dags. 19. maí 2010 og viðauki við samning aðila, dags. 8. janúar 2015 auk rekstrarleyfis leikskólans Vinaminnis, dags. 22. febrúar 2012.

Skóla- og frístundaráðsfulltrúar Samfylkingarinnar, Bjartrar framtíðar og Vinstri grænna og áheyrnarfulltrúi Pírata lögðu fram svohljóðandi tillögu:

Lagt er til að viðmið um hámarksfjölda reykvískra barna sem heimilt er að greiða framlag vegna til Vinaminnis verði breytt með þeim hætti að miðað verði við að hámarksfjöldi reykvískra barna sem heimilt er að greiða framlag vegna geti orðið 86 í stað 69 frá 1. september 2017. Sviðsstjóra er falið að gera viðauki við núverandi samning aðila frá 19. maí 2010, þar sem kveðið er á um fjölgun nemenda.

Tillagan var samþykkt og vísað til borgarráðs.
Tillögunni er hér með vísað til borgarráðs.

Virðingarfyllst


Helgi Grímsson
sviðsstjóri skóla- og frístundasviðs

Hjálagt:
Minnisblað sviðsstjóra, dags. 30. mars 2017
Umsókn um aukið framlag, dags. 16. apríl 2015
Þjónustusamningur, dags. 19. maí 2010
Viðauki við samning, dags. 8. janúar 2015
Rekstarleyfi, dags. 22. febrúar 2012



Reykjavíkurborg
Skóla- og frístundasvið

Reykjavík, 30. mars 2017
SFS2014120190
117. fundur / fskj. 7.1
HG/hs

MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Beiðni um aukið framlag til leikskólans Vinaminnis

Í erindi Vinaminnis, sem dagsett er 3. nóvember 2016, er óskað eftir auknu fjárframlagi Reykjavíkurborgar til leikskólans Vinaminnis, í húsnæði leikskólans að Asparfelli 10, 111 Reykjavík. Rekstrarleyfi leikskólans kveður á um að heimilt sé að hafa í leikskólanum 86 börn.

Leikskólinn hefur gert samning við skóla- og frístundasvið sem kveður á um að heimilt sé að greiða framlag vegna 69 reykvískra barna á aldrinum 18 mánaða – 6 ára, en óskar nú eftir framlagi með 86 reykvískum börnum eða 17 börnum fleiri en nú er.

Fjármálaskrifstofa SFS hefur reiknað út fjárþörfina miðað við að börnin verði í 8,5 tíma vistun. Gert er ráð fyrir 3.524.871 kr. á mánuði eða 38.773.583 kr. á ársgrundvelli.

Reykjavík 16. apríl 2015

Reykjavíkurborg
Skóla - og frístundasvið
Borgartúni 12 – 14
105 Reykjavík.

Ég undirritaður leikskólastjóri í leikskólanum Vinaminni Kt: 500194-2519 Asparfelli 10 111 Reykjavík sæki hér með um framlag til Reykjavíkurborgar fyrir 17 börn til viðbótar við þau 69 börn sem eru nemendur í leikskólanum Vinaminni og Reykjavíkurborg greiðir framlag með.

Leikskólinn Vinaminni hefur leyfi Reykjavíkurborgar fyrir að hafa 86 börn samtímis í skólanum. Eins og staðan er í dag eru 69 börn í leikskólanum með lögheimili í Reykjavík og 17 börn með lögheimili úr öðrum sveitarfélögum.

Það er mjög erfitt að þurfa að vísa börnum frá sem eiga lögheimili í Reykjavík, og búa jafnvel í næsta nágrenni við skólann, vegna þess að leikskólinn tekur ekki við fleiri börnum úr Reykjavík. Það væri mikill akkur fyrir foreldra þessara barna að fá leikskólapláss fyrir þau í Vinaminni auk þess sem það er á allan hátt réttlátara að taka inn börn úr sveitafélaginu sem leikskólinn er starfandi í.

Það er ósk mín að Reykjavíkurborg taki jákvætt í þessa umsókn og greiði framlag til þessara 17 barna til viðbótar til leikskólans Vinaminnis.

Með vinsemd og virðingu

Sólveig Einarasdóttir

Sólveig Einarasdóttir
leikskólastjóri
Leikskólanum Vinaminni.



Leikskólinn Vinaminni ehf.
Asparfelli 10-12, 111 RvÍk
vinaminni@vinaminni.is
www.vinaminni.is
sími 587-0977

25. MAI 2010

Málsnr.: LEIK 2010 05 0292

Skjalalykill: 10.10

**Samningur um framlag Leikskólasviðs til sjálfstætt starfandi leikskóla
fyrir börn frá 18 mánaða til 6 ára**

Leikskólasvið Reykjavíkurborgar, kt. 530269-7609, hér eftir nefnt Leikskólasvið og Leikskólinn Vinaminni ehf, kt. 500194-2519, gera með sér eftirfarandi samning um rekstrar- og húsnæðisstyrk, hér eftir nefnt framlag, vegna vistunar reykvískra barna í leikskólanum Vinaminni, hér eftir nefndur leikskólinn.

1. gr.

Reglur sem sjálfstætt starfandi leikskólum ber að fara eftir

Sjálfstætt starfandi leikskólar starfa skv. lögum nr. 90/2008 um leikskóla. Sjálfstætt starfandi leikskóli sem gerir samning við Leikskólasvið um framlag til leikskólans ber að fara eftir reglum Leikskólasviðs um leikskólaþjónustu þar sem við á eða reglum sem koma í þeirra stað.

2. gr.

Framlag Leikskólasviðs

Framlag Leikskólasviðs er háð því skilyrði að leikskólinn hafi gilt rekstrarleyfi í Reykjavík. Leikskólasvið greiðir framlag vegna barna sem dvelja í leikskólanum og uppfylla skilyrði um aðgang í leikskóla Reykjavíkurborgar, þ.e. lögheimili barns og föst búseta er í Reykjavík og foreldrar þess eru ekki í vanskilum við Leikskólasvið, sjá nánar 2. grein í reglum Leikskólasviðs um leikskólaþjónustu. Áður en leikskóladvöl barns hefst ber leikskólanum að kanna hvort skilyrðum framlags sé fullnægt, þ.m.t. hvort foreldrar séu í vanskilum við Leikskólasvið.

Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri eða þá að foreldrar fá greidda þjónustutryggingu. Leikskólasvið greiðir með barni meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar. Framlag er ekki greitt fyrir barn sem byrjar í vistun á nýjum stað fyrr en að uppsagnarfrestur er liðinn.

Hefji barn nám í grunnskóla fellur niður réttur til framlags Leikskólasviðs.

Leikskólinn skal útbúa skriflegan dvalarsamning undirritaðan af leikskólastjóra / rekstraraðila og foreldrum barns. Breytingar á dvalarsamningi skulu einnig vera skriflegar og undirritaðar af báðum aðilum. Dvalarsamningur og breytingar á honum skulu vera aðgengilegar fyrir Leikskólasvið þegar óskað er eftir þeim.

Í samræmi við reglur Leikskólasviðs um þjónustutryggingu er leikskólinn skuldbundinn til að upplýsa Leikskólasvið um reykvísk börn á biðlista leikskólans og hvort foreldrum hafi verið boðið leikskólaþjónusta fyrir barn.

3. gr.

Fjöldi barna og vistunartíma

Fjöldi barna sem greitt er framlag með er að hámarki 47 nema rekstrarleyfi leikskólans kveði á um færri börn. Ef rekstrarleyfi leikskólans breytist með þeim hætti að börnum skv. því fækki er greitt framlag vegna þess fjölda. Barn sem dvelur í leikskólanum í 5,5 klst. á dag eða skemur telst vera í hálf dagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálf dagsvistun reiknast sem eitt barn í heilsdagsvistun.

S.E. ^{RTB} 1

Fjöldi niðurgreiddra dvalarstunda er í samræmi við 1. grein í reglum Leikskólasviðs um leikskólajónustu.

4. gr.

Rekstrarframlag

4.1 Rekstrarframlag fyrir börn frá 18 mánaða til 6 ára:

Leikskólasvið greiðir rekstrarframlag með þeim börnum sem dvelja í leikskólanum á hverjum tíma frá 18 mánaða aldri og þar til barn hefur grunnskólagöngu um 6 ára aldur, ef skilyrðum skv. 2. gr. samningsins er fullnægt.

Rekstrarframlagið er byggt á áætluðum heildarkostnaði (án húsaleigu) við börn í borgarreknum leikskólum, skv. fjárhagsáætlun ársins, þ.e. áætluðum rekstrarkostnaði borgarrekkinna leikskóla, á ársgrundvelli, þ.e. fyrir 12 mánaða tímabil að viðbættri fjárhæð vegna sameiginlegs kostnaðar borgarrekkinna leikskóla sem ekki er áætlaður á borgarrekna leikskóla og að fráreginni húsaleigu og kostnaði vegna þjónustu og umsýslu vegna sjálfstætt starfandi leikskóla.

Heildarkostnaður (án húsaleigu) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálf dagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálf dagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

a) Rekstrarframlag fyrir hvert barn er reiknað út á eftirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássu í borgarreknum leikskólum.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að fráreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. barn á mánuði kemur fram í yfirliti yfir rekstrar- og húsnæðisframlag í viðauka 1.

b) Framlag fyrir hvert dvalargildi er reiknað út á eftirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. dvalargildi er deilt með áætluðum fjölda dvalargilda í borgarreknum leikskólum.

Mánaðarlegt rekstrarframlag fyrir hvert dvalargildi nemur 1/11 af árlegum styrkgrunni að fráreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. dvalargildi á mánuði kemur fram í yfirliti yfir rekstrar- og húsnæðisframlag í viðauka 1.

Hlutfall fagmenntaðra starfsmanna leikskólans reiknast til hækkunar eða lækkunar framlags fyrir hvert dvalargildi í samræmi við yfirlit yfir rekstrar- og húsnæðisframlag í viðauka 1. Leikskólanum ber að veita Leikskólasviði upplýsingar um fagmenntun starfsmanna sinna.

S.E. Pét

Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun. Skilgreining á fagmenntuðum starfsmönnum kemur fram í yfirliti yfir rekstrar- og húsnæðisframlag í viðauka 1 og getur tekið breytingum. Heimilt er að endurskoða hlutfall fagmenntaðs starfsfólks og prósentuhlutfall á hækkun/lækkun greiðslu.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja og námsmanna og hærra framlag vegna systkina er háð skilyrðum 6. gr. reglna Leikskólasviðs um leikskólalþjónustu. Hærra framlag er ekki greitt afturvirkir og miðast við þann dag er gögnum er skilað til Leikskólasviðs.

Fjárhagsáætlun Leikskólasviðs liggur til grundvallar útreikningi framlagsins. Rekstrarframlagið endurskoðast árlega eftir að fjárhagsáætlun Reykjavíkurborgar hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi Leikskólasviðs, s.s. vegna breytinga á lögum, reglugerðum og kjarasamningum, fjárhagsáætlun Leikskólasviðs eða vegna kröfu um hagræðingu í rekstri.

4.2 Rekstrarframlag fyrir börn yngri en 18 mánaða:

Samningurinn gildir vegna barna 18 mánaða til 6 ára en hefji barn leikskóladvöl áður en það nær 18 mánaða aldri greiðist sama framlag og vegna vistunar reykviskra barna hjá dagforeldrum.

Greitt er rekstrarframlag fyrir börn hjóna og sambúðarfólks frá 9 mánaða aldri og fyrir börn einstæðra foreldra og námsmanna frá 6 mánaða aldri, til samræmis við núgildandi reglur um niðurgreiðslur til dagforeldra¹. Fjárhæð framlags er sú sama og niðurgreiðsla vegna barna hjá dagforeldrum. Rekstrarframlag er greitt út mánaðarlega með ellefu greiðslum á ári en ekki er greitt í júlí. Um framlagið gilda sömu reglur og um niðurgreiðslur til dagforeldra.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja, námsmanna og hærra framlag vegna systkina er háð skilyrðum skv. 6. gr. í reglum Leikskólasviðs um leikskólalþjónustu. Hærra framlag er ekki greitt afturvirkir og miðast við þann dag er gögnum er skilað til Leikskólasviðs.

Fjárhæð framlags kemur fram í yfirliti yfir niðurgreiðslur til dagforeldra í viðauka 2 við samning þennan og birt er á heimasíðu Leikskólasviðs, www.leikskolasvid.is.

Rekstrarframlagið endurskoðast í janúar ár hvert í samræmi við breytingar á fjárhagsáætlun Leikskólasviðs, sem liggur til grundvallar á útreikningi framlagsins. Heimilt er að endurskoða fjárhæð framlags oftar.

5. gr.

Húsnæðisframlag

¹ Greiðslur vegna barna frá 6 mánaða aldri eru háðar sömu skilyrðum og gerð eru til að fá greitt hærra framlag vegna hjúskaparstöðu eða náms.

Leikskólasvið greiðir húsnæðisframlag fyrir þau börn sem dvelja í leikskólanum á hverjum tíma, enda er leikskólinn í eigin húsnæði / leiguhúsnæði, ef skilyrðum skv. 2. gr. samningsins er fullnægt..

Fjárhæð húsnæðisframlags er samkvæmt reglum Leikskólasviðs um húsnæðisframlag á hverjum tíma eins og kemur fram í viðauka 1 við samning þennan og birt er á heimasíðu Leikskólasviðs, www.leikskolasvid.is.

Árlegt húsnæðisframlag fyrir hvert barn er reiknað út á eftirfarandi hátt: Í áætlaðan húsaleigukostnað allra borgarrekkinna leikskóla á ársgrundvelli, þ.e. fyrir 12 mánaða tímabil er deilt með áætluðum fjölda barna í leikskólum borgarinnar. Mánaðarlegt húsnæðisframlag fyrir hvert barn nemur 1/11 af árlegu húsnæðisframlagi en ekki er greitt í júlí.

Húsnæðisframlag er endurskoðað í janúar ár hvert í samræmi við fjárhagsáætlun Leikskólasviðs og áætlaðan fjölda barna í leikskólum Reykjavíkurborgar á rekstrarárinu. Húsnæðisframlagið verður einnig endurskoðað ef breytingar verða í rekstrarumhverfi Leikskólasviðs, s.s. vegna breytinga á lögum, reglugerðum og kjarasamningum, fjárhagsáætlun Leikskólasviðs eða vegna kröfu um hagræðingu í rekstri.

6. gr.

Viðbótargreiðsla vegna barna með sérþarfir

Leikskólasvið mun greiða fyrir sérstaka aðstoð og þjálfun skv. mati viðurkenndra greiningaraðila í samræmi við reglur Leikskólasviðs sem gilda fyrir öll reykvísk börn sem vistuð eru í leikskólum, sbr. 1. mgr. 22. gr. laga um leikskóla nr. 90/2008. Reglurnar eru birtar á vef Leikskólasviðs, www.leikskolasvid.is.

7. gr.

Greiðsla framlags

Rekstrar- og húsnæðisframlag er greitt mánaðarlega, eigi síðar en 20. hvers mánaðar fyrir yfirstandandi mánuð. Greitt er í samræmi við upplýsingar í Nýja leikskólakerfinu², þar sem leikskólastjóri skráir upplýsingar um öll börn sem uppfylla skilyrði um greiðslu framlags. Veita þarf m.a. upplýsingar um nöfn allra barna, kennitölur, lögheimili, tímabil vistunar barns í yfirstandandi mánuði, fjölda dvalarstunda skv. dvalarsamningi og upplýsingar um hlutfall fagmenntaðra starfsmanna leikskólans.

Skrá þarf upplýsingar vegna herra framlags, s.s. vegna systkina, námsmanna, öryrkja og einstæðra foreldra í Nýja leikskólakerfið. Skráning skal eingöngu gerð þegar öll skilyrði samningsins eru uppfyllt, auk þess sem viðeigandi vottorð, umsóknir eða staðfestingar þurfa að fylgja, sjá nánar í reglum Leikskólasviðs um leikskólaþjónustu og gjaldskrá Leikskólasviðs vegna leikskóla Reykjavíkur á www.leikskolasvid.is.

Leikskólastjóri þarf að staðfesta skráningu upplýsinga (bunka) fyrir hvern mánuð, í síðasta lagi 10. hvers mánaðar. Ef frestun verður á staðfestingu (bunkun) getur orðið samsvarandi frestun á greiðslu framlags til leikskólans.

Rekstrar- og húsnæðisframlag verður ekki greitt lengra aftur í tímann en 3 mánuði frá umsóknardegi. Ef Leikskólasvið hefur greitt framlag fyrir barn, t.d. vegna annarrar vistunar eða þjónustutryggingu, verður rekstrar- og húsnæðisframlag lækkað um sömu fjárhæð.

Ef leikskólinn verður var við mistök í greiðslu framlags ber honum að tilkynna Leikskólasviði um þau án tafar.

² Unnið er að gerð nýs upplýsingakerfis fyrir Leikskólasvið sem tekið verður í notkun á árinu 2010.

S.E. RFB⁴

8. gr.

Gjaldskrá

Gjaldskrá leikskólans vegna barna, 18 mánaða og eldri, má aldrei vera hærri en sem nemur gjaldskrá Leikskólasviðs, vegna náms og fæðis barna í leikskólum borgarinnar, margfölduð með 1,15.

9. gr.

Fjárhagsleg ábyrgð

Leikskólinn ber alla ábyrgð á rekstri leikskólans. Réttarsamband leikskólans og viðskiptavinar hans er einkaréttarlegs eðlis og Leikskólasviði óviðkomandi. Leikskólanum er óheimilt að framselja samning þennan eða réttindi samkvæmt honum.

10. gr.

Eftirlit

Leikskólasvið fer með lögbundið eftirlit með starfsemi leikskólans og einnig með eftirlit með efdum samningsins.

Leikskólinn skal afhenda Leikskólasviði ársskýrslu og gjaldskrá fyrir lok ágúst ár hvert. Breytingar á gjaldskrá skal tilkynna Leikskólasviði þegar þær taka gildi.

Áritaður ársreikningur af löggiltum endurskoðanda og önnur gögn, sem nauðsynleg eru vegna eftirlits með efdum samningsins, skulu vera aðgengileg fyrir Leikskólasvið.

11. gr.

Endurkrafa á ofgreiddu framlagi

Komi í ljós að Leikskólasvið hafi ofgreitt framlag af einhverjum ástæðum, t.d. vegna rangra upplýsinga eða mistaka mun Leikskólasvið lækka framlag til leikskólans við næstu greiðslu sem því nemur eða krefjast endurgreiðslu þrátt fyrir að barn sem ofgreidd hefur verið vegna sé hætt í leikskólanum. Leikskólinn getur óskað eftir að endurgreiðslu verði skipt á þrjá mánuði.

12. gr.

Breytingar á lögum og reglugerðum

Verði breytingar á starfsumhverfi leikskóla vegna breytinga á lögum eða reglugerðum um leikskóla er aðilum samningsins heimilt að endurskoða ákvæði þessa samnings með tilliti til þeirra.

13. gr.

Gildistími og uppsögn

Samningurinn tekur gildi 1.ágúst 2010. Samningurinn er uppsegjanlegur af hálfu beggja aðila með sex mánaða fyrirvara.

Ákvæði þessa samnings sem vísa til reglna Leikskólasviðs um leikskólaþjónustu taka breytingum til samræmis við breytingar á reglum um leikskólaþjónustu eða reglna sem koma í þeirra stað, án sérstakrar tilkynningar eða uppsagnar af hálfu Leikskólasviðs.

14. gr.

Varnarþing

Rísi mál út af samningi þessum skal það rekið fyrir Héraðsdómi Reykjavíkur.

S. E. RFB
5

Reykjavík, 19.maí 2010


F.h. Reykjavíkurborgar

F.h. Leikskólans Vinaminni ehf.





Hanna Birna Kristjánsdóttir

Borgarstjóri



Sólveig Einarsdóttir

Vottar að réttri dagsetningu, undirritun og yfirlýsingu aðila um fjárræði sitt



Viðaukar

Viðauki 1: Um rekstrar- og húsnæðisframlag

Viðauki 2: Um niðurgreiðslur til dagforeldra

Viðauki 3: Um reglur um leikskólalþjónustu

R#

S/S 2014-12-0190
6.4

Viðauki við samning um framlag skóla- og frístundasviðs til sjálfstætt starfandi leikskóla fyrir börn frá 18 mánaða til 6 ára

1. gr.

Leikskólasvið, nú skóla- og frístundasviðs Reykjavíkurborgar, kt. 530269-7609 og Leikskólinn Vinaminni, kt.500194-2519 gerðu þann 19. maí 2010, með sér samning um rekstrarstyrk, hér nefnt framlag vegna vistunar reykvískra barna í leikskólanum Vinaminni. Auk þess gerðu aðilar með sér viðauka við samninginn þann 26. júní 2012 og 27. nóvember 2013.

Aðilar framangreinds samnings hafa ákveðið að gera viðauka við framangreindan samning og viðauka samkvæmt honum.

2. gr.

Eftirfarandi breytingar eru gerðar á gildandi samningi:

- (i) Við 1. gr. bætist nýr málslíður, svohljóðandi: „*Jafnframt ber að fara eftir reglum Reykjavíkurborgar um styrki, þ.á.m. því að geta þess í kynningarefni skólans að hann njóti styrks frá Reykjavíkurborg.*“
- (ii) Í 1. ml. 2. mgr. 2. gr., um framlag skóla- og frístundasviðs, falla niður orðin: „*eða þá að foreldrar fá greidda þjónustutryggingu.*“
- (iii) Í 5. mgr. 2. gr. falla brott orðin „*Í samræmi við reglur Leikskólasviðs um þjónustutryggingu er...*“.

5. mgr. 2. gr. verður svohljóðandi: „*Leikskólinn er skuldbundinn til að upplýsa skóla- og frístundasvið um reykvísk börn á biðlista og hvort foreldrum hafi verið boðið leikskólapláss fyrir barn.*“
- (iv) Í 2. ml. 4. mgr. 7. gr. samningsins, um greiðslu framlags, falla út orðin „*eða þjónustutryggingu*“.
- (v) 1. mgr. 13. gr. samningsins verður svohljóðandi:
„*Samningurinn tekur gildi þann (dags. undirritunar). Samningurinn gildir til þriggja ára og fellur brott án uppsagnar að þeim tíma liðnum. Gerður er fyrirvari af hálfu Reykjavíkurborgar um fjárhagslegar skuldbindingar skv. samningnum eftir fyrsta ár samningsins. Samningurinn er uppsegjanlegur af hálfu beggja aðila með sex mánaða fyrirvara.*“
- (vi) Í stað orðsins „*leikskólasvið*“ í samningnum skal standa „*skóla- og frístundasvið*“.

3. gr.

Viðauki þessi telst vera hluti framangreinds samnings milli aðila frá 19. maí 2010 og gilda sömu ákvæði um uppsögn og endurskoðun samningsins. Að því leyti sem ákvæði viðauka þessa og gildandi samnings kunna að teljast ósamrýmanleg gilda ákvæði viðaukans.

4. gr.

Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir Héraðsdómi Reykjavíkur.

5. gr.

Viðauki þessi er gerður í tveimur samhljóða eintökum, sitt handa hvorum samningsaðila.


Viðaukinn er undirritaður af sviðsstjóra skóla- og frístundasviðs f.h. Reykjavíkurborgar og Sólveigu Einarsdóttur f.h. leikskólans Vinaminnis, sem ábyrgist að fyrir hendi sé heimild stjórnar skólans til að undarrita viðauka þennan.

Reykjavík

8. 1 2015



F.h. Reykjavíkurborgar
skóla- og frístundasvið


F.h. sjálfstætt starfandi leikskóla

Vottar að dags. og undirritun:

Ama Guðars kt 041265-434

Bertha Þienning kt 050647-4909



Rekstrarleyfi fyrir leikskólann Vinaminni

Með vísun til 25. gr., laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með leikskólanum Vinaminni ehf. kt. 500194-2519 leyfi til að reka leikskólann Vinaminni.

Fyrir liggja teikningar af húsnæði leikskólans að Asparfelli 10-12 í Reykjavík. grunnflötur húsnæðisins er 537,1 m² og stærð lóðar er 700 m². Veitt er heimild til að reka leikskóla í húsnæðinu fyrir allt að 86 börnum á aldrinum 18 mánaða til 6 ára.

Vottorð liggur fyrir frá Vinnueftirliti ríkisins og heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur leyfi til að nota starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Breiðholts veitir leikskólanum sérfræðipjónustu, sbr. reglugerð nr. 584/2010, um sérfræðipjónustu leik- og grunnskóla.

Leikskólastjóra er skylt að endurskoða skólanámskrá leikskólans reglulega og leggja hana fyrir skóla- og frístundaráð til staðfestingar. Skólanámskrá leikskólans Vinaminnis er frá árinu 2004 og þarfnast endurskoðunar með tilliti til nýrrar aðalnámskrár mennta- og menningamálaráðuneytis. Veittur er frestur til 1. júní 2012 til að leggja fram endurskoðaða skólanámskrá.

Fyrir liggur starfsáætlun leikskólans Vinaminnis fyrir árið 2011/2012. Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólahald. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.



Reykjavíkurborg
Skóla- og frístundasvið

Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests.

Reykjavík, 22. febrúar 2012

Ragnar Þorsteinnsson sviðsstjóri
skóla- og frístundasvið Reykjavíkurborgar
Borgartúni 12-14, 105 Reykjavík